

Parlament communal Ilanz/Glion Communicaziun allas medias

Igl 1. da fevrer 2023 ha il parlament communal Ilanz/Glion tractau a caschun da sia emprema sesida digl onn 2023 l'iniziativa dil pievel pertuccont la revisiun totala dalla constituziun communal dalla vischnaunca dad Ilanz/Glion. Suenter che la valeivladad dil cuntegn dall'iniziativa dil pievel ei vegnida constatada ha il parlament communal deliberau l'iniziativa cun ina cunterproposta per mauns dalla votaziun all'urna. Il text d'iniziativa pretenda denter auter ina revisiun totala dalla constituziun communal inclus ina votaziun da variantas davart in model politic cun ina radunonza communal ni cun mantener in parlament communal redimensiunau. Plinavon vegnan l'introducziun da departaments, l'installaziun da cumissiuns, l'elecziun dalla cumissiun da gestiun e dil cussegl da scola sco era las cumpetenzas dalla direcziun communal messas en damonda. Cuntrari al text d'iniziativa prevesa la cunterproposta in'examinaziun dalla constituziun communal senza prescripziuns restrictivas che duei vegnir predeliberada d'ina cumissiun, la quala vegn eligida dil parlament communal ed ei messa ensemen a moda paritetica. La cuminonza dils votants all'urna sa ussa decider, schebein ella vul sustener la proposta dil comite d'iniziativa ni la cunterproposta dil parlament communal. Ultra da quei dat ei era l'opziun dad insumma desister d'ina revisiun e da far neginas midadas ella constituziun communal actuala. La votaziun all'urna ha presumablamein liug ils 18 da zercladur 2023.

Plinavon ein la renovaziun digl areal dalla staziun a Glion ed il project svilup dil center Glion vegni presentai al parlament communal. Denter auter ei il stan da planisaziun dils projects parzials ed il plan per las fasas da construcziun sco era ils proxims pass en connex cun la revisiun dalla planisaziun locala per la construcziun nova al plaz dalla staziun vegni presentai. En pli ein las pusseivladads per la revalorisaziun dil center da Glion vegni demussai. La finamira leutier ei da nezegiar il futur meglier ils potenzials dil spazi liber public. Ultra da quei ein propostas per migliurar l'orientaziun vegnidas presentadas. El center stat la realisaziun d'ina «signaletica» unificada sin igl entir intschess communal cun risguardar il commerci indigen.

En in'ulteriura presentaziun ei il parlament communal vegnius informaus davart las festivitads planisadas per il giubileum da diesch onns vischnaunca fusiunada Ilanz/Glion. Las festivitads duein haver liug igl onn 2024. Ina gruppa da lavur ha elaborau in concept da basa per las festivitads, ellas qualas l'entira populaziun duei vegnir involvida. A caschun dalla proxima sesida vegn il parlament communal a decider davart in credit corrispudent per la realisaziun dallas festivitads.

La proxima sesida dil parlament communal ha liug mesjamna, ils 12 d'avrel 2023, allas 19.00 a Glion.

Ilanz/Glion, ils 2 da fevrer 2023

Parlament communal Ilanz/Glion

Gemeindeparlament Ilanz/Glion Medienmitteilung

Am 1. Februar 2023 hat das Gemeindeparlament anlässlich seiner ersten Sitzung in diesem Jahr die Volksinitiative zur Totalrevision der Gemeindeverfassung der Gemeinde Ilanz/Glion behandelt. Nachdem die inhaltliche Zulässigkeit der Volksinitiative festgestellt wurde, hat das Gemeindeparlament die Initiative mit einem Gegenvorschlag zuhanden der Urnenabstimmung verabschiedet. Der Initiativtext verlangt unter anderem eine Totalrevision der Gemeindeverfassung einschliesslich einer Variantenabstimmung über ein politisches Modell mit Einwohnerversammlung oder Beibehaltung eines verkleinerten Gemeindeparlaments. Ausserdem werden die Einführung von Departementen, die Einsetzung von Kommissionen, die Wahl der Geschäftsprüfungskommission und des Schulrats sowie die Kompetenzen der Geschäftsleitung in Frage gestellt. Im Gegensatz zum Initiativtext sieht der Gegenvorschlag eine Prüfung der Gemeindeverfassung ohne einschränkende Vorgaben vor, welche eine durch das Gemeindeparlament zu wählende, paritätisch zusammengesetzte Kommission vorberaten soll. Die Urnengemeinde kann nun entscheiden, ob sie den Vorschlag des Initiativkomitees oder den Gegenvorschlag des Gemeindeparlaments unterstützen möchte. Zudem bietet sich auch die Option, gänzlich auf eine Revision zu verzichten und die aktuelle Gemeindeverfassung unverändert zu belassen. Die Urnenabstimmung findet voraussichtlich am 18. Juni 2023 statt.

Dem Gemeindeparlament wurden ausserdem die Neugestaltung des Bahnhofsareals Ilanz und das Projekt Zentrumsentwicklung Ilanz präsentiert. Unter anderem wurde der Planungsstand der Teilprojekte und der Bauphasenplan sowie die weiteren Schritte in Bezug auf die Ortsplanungsrevision für den Neubau am Bahnhofplatz vorgestellt. Zudem wurden Möglichkeiten zur Aufwertung des Zentrums von Ilanz aufgezeigt. Dabei ist das Ziel, die Potenziale des öffentlichen Freiraums in Zukunft besser zu nutzen. Ebenfalls wurden Vorschläge zur Verbesserung der Orientierung vorgestellt. Dabei steht die Umsetzung einer einheitlichen Signaletik auf dem gesamten Gemeindegebiet mit Berücksichtigung des einheimischen Gewerbes im Vordergrund.

In einer weiteren Präsentation wurden dem Gemeindeparlament die geplanten Feierlichkeiten für das 10-jährige Jubiläum der fusionierten Gemeinde Ilanz/Glion vorgestellt. Diese Feierlichkeiten sollen im Jahr 2024 stattfinden. Eine Arbeitsgruppe hat ein Grobkonzept zu den Feierlichkeiten erarbeitet, in welche die gesamte Bevölkerung involviert werden soll. Das Gemeindeparlament wird an der nächsten Parlamentssitzung über einen entsprechenden Kredit für die Durchführung der Feierlichkeiten beraten.

Die nächste Gemeindeparlamentssitzung findet am Mittwoch, dem 12. April 2023, um 19.00 Uhr in Ilanz statt.

Ilanz/Glion, den 2. Februar 2023

Gemeindeparlament Ilanz/Glion